

Sakspapir

Sakshandsamar	Arkiv	ArkivsakID
Anne Kristin Rafoss	FE - 010	15/716

Saknr	Utval	Type	Dato
033/2018	Kommunestyret	PS	18.06.2018

Val av nytt kontrollutval for resten av kommunestyreperioden 2015 - 2019

Rådmannen sitt framlegg til vedtak:

Nytt Kontrollutval for resten av valbolken 2015 – 2019 er:

Leiar:

Nestleiar:

Medlem:

Varamedlemmer i rekkefølge:

- 1.
- 2.
- 3:

Saksopplysningar:

Bakgrunn

Etter kommunelova § 77 nr 1 vel kommunestyret sjølv eit kontrollutval som på vegne av kommunestyret har det løpande tilsynet med forvaltninga i kommunen.

Kontrollutval for kommunestyreperioden 2015 – 2019 vart valgt av kommunestyret den 29.10.15 som sak 098/2015.

Dei vanlege reglane for kven som er utelukka frå val, gjeld òg for val til kontrollutvalet. I tillegg er følgjande personar utelukke for val:

- ordførar og varaordførar
- medlem og varamedlem til formannskapet
- medlem og varamedlem av kommunal nemnd med avgjerdsmynde
- medlem og varamedlem av kommunestyrekomite
- tilsette i kommunen

No har kommunen fått melding om at eit av dei faste medlemmene i kontrollutvalet er tilsett i

Masfjorden kommune og må difor gå ut av kontrollutvalet.

Fakta

I Forskrift om kontrollutval i kommuner og fylkeskommuner § 2 står det:

Kommunestyet eller fylkestinget kan når som helst foreta nyvalg av utvalgets medlemmer. Ved utskifting av ett eller fleire medlemmer av utvalget skal det foretas nyvalg av samtlige medlemmer i utvalget

Kontrollutvalet sine oppgåver finn ein i forskrifta § 2 der det og står at kontrollutvalet skal ha minst tre medlemmer. Minst eit av medlemmene i kontrollutvalet skal veljast mellom medlemmene av kommunestyret. Kommunestyret vel medlemmer og varamedlemmer til Kontrollutvalet, og leiar og nestleiar mellom dei valde medlemmene.

Valnemnda si innstilling

Valnemnda sin leiar har kome med følgjande innstilling til nytt kontrollutval for resten av kommunestyreperioden 2015 – 2019:

Leiar: Arthur Sjursen, Ap
Nestleiar: Willy Borge, FrP
Medlem: Rigmor Søvik, Sp

Varamedlem i rekkefølge:
1. Birger Wergeland, Ap
2. Morten Gullaksen, FrP
3. Sigmunn Rørvik, Sp

Vurdering

Kontrollutvalet i Masfjorden kommune har tradisjonelt hatt tre medlemmer og slik følgd minstekravet fastsett i forskrifta. Kommunestyret avgjerd sjølv kor mange medlemmer det skal vere i Kontrollutvalet utover minstekravet. Når det gjeld varamedlemmer har Masfjorden kommune så langt i denne perioden hatt personleg vara for medlemmene i Kontrollutvalet. Dette har, etter rådmannen si meining, fungert dårleg då ein ved fleire høve har hatt kontrollutvalsmøter med ferre enn tre medlemmer tilstades. Det er og kome signal frå sekretariatet om at dei ønskjer ei felles varamannsliste for medlemmene i Kontrollutvalet. Grunngevinga for dette er at det gjer meir stabilitet i utvalet når same vara får innkalling uavhengig av kven av medlemmene som melder forfall.

Medlemmer i Kontrollutvalet kan veljast som forholdstalsval (jf kommunelova § 36 nr 2) eller avtaleval (jf kommunelova § 38a nr 3). Ved forholdstalsval kan kvar liste innehalde inntil dobbelt så mange forskjellige namn som det skal veljast medlemmer til kontrollutvalet. Kvar liste blir tildelt så mange varamedlemmer som ho får medlemmer + to. Ved avtaleval vert det lagt fram ei innstilling med forslag til kandidatar til Kontrollutvalet. Innstillinga skal splittast opp slik at ein nemner medlemmer og varamedlemmer frå kvar gruppe med partinemning. Varamedlemmer vert slik ikkje varamedlemmer for andre enn dei faste medlemmene frå vedkomande parti. Det er ikkje høve til å stille ei felles vararepresentantliste for Kontrollutvalet viss ein vel medlemmer til dette utvalet etter

avtaleval.

Konklusjon

Kommunestyret vel medlemmer og varamedlemmer, samt leiar og nestleiar blant dei valde medlemmene, i Kontrollutvalet etter innstilling frå valnemnda.

Kommunestyret - 033/2018

KS - behandling:

Leiar i valmemnda Janne-Judith Kvamsdal Sandnes (FrP) ba om at Kontrollutval for resten av kommunestyreperioden 2015 - 2019 vart valt ved forholdstalsval og las opp forslag til leiar, nestleiar, medlem og varamedlemmer i prioritert rekkefølge. Det vart ikkje lagt fram andre lister. Lista vart godkjent og det vart delt ut slik røystesetel:

Nytt Kontrollutval for resten av valbolken 2015 – 2019 er:

Leiar: Arthur Sjursen, Ap
Nestleiar: Willy Borge, FrP
Medlem: Rigmor Sjøvik, Sp

Varamedlemmer i rekkefølge:

1. Birger Wergeland, Ap
2. Morten Gullaksen FrP
- 3: Sigmunn Rørvik, Sp

Røysting:

Oppteljinga viste 17 røystesetlar for framlegget frå Valnemnda.

KS - vedtak:

Nytt Kontrollutval for resten av valbolken 2015 – 2019 er:

Leiar: Arthur Sjursen, Ap
Nestleiar: Willy Borge, FrP
Medlem: Rigmor Sjøvik, Sp

Varamedlemmer i rekkefølge:

1. Birger Wergeland, Ap
2. Morten Gullaksen, FrP
- 3: Sigmunn Rørvik, Sp